

ISU

Bilangan penjawat awam cukup



Ali memukul gong simbolik penyerahan Dewan Rafiq Sekolah Menengah Kebangsaan Raja Muda Nisa di Bestari Jaya, semalam. Yang turut hadir Ketua Pengarah Pelajaran Malaysia, Tan Sri Dr Khair Mohamad Yusof (dja dari kiri).

➔ Kakitangan sedia ada mampu laksana tugas dalam pelbagai kemahiran

Info

Penjawat awam

➔ Semua penjawat awam sedia ada atau yang baharu perlu sentiasa melengkapkan diri dengan pelbagai kemahiran dan kecakapan

➔ Kuala Lumpur

Kerajaan tidak akan menambah atau mengurangkan bilangan penjawat awam, malah mengambil pendekatan pengulangan semula (redeployment) jika ada keperluan mewujudkan jawatan baharu pada masa depan.

Ketua Setiausaha Negara, Tan Sri Dr Ali Hamsa, berkata 1.6 juta penjawat awam kini sudah memadai kerana mereka dilatih untuk melakukan tugas membabitkan pelbagai kemahiran (multitasking), termasuk menghapuskan jawatan yang

tidak lagi relevan.

Langkah diambil kerajaan

Beliau berkata, ia adalah langkah yang diambil kerajaan sejak 2012 untuk mengurangkan perbelanjaan pengurusan bagi sektor itu dan ia masih dilaksana hingga sekarang.

"Semua penjawat awam sedia ada atau yang baharu perlu sentiasa melengkapkan diri dengan pelbagai kemahiran dan kecakapan.

"Kita tidak kurangkan jawatan awam, mungkin ada beberapa jawatan dahulu hilang peranannya namun diganti dengan tugas baharu

mengikut keperluan semasa," katanya.

Mengulas lanjut, Ali berkata pihaknya turut menerima banyak permintaan untuk menambah perjawatan baharu dalam agensi kerajaan, termasuk sektor keselamatan, namun ia akan diteliti dan dipertimbang kewajarannya terlebih dahulu.

Beliau berkata kerajaan melihat sama ada penggunaan konsep pengulangan semula adalah lebih sesuai atau sebaliknya bagi mengelak wujud kembali perjawatan yang tidak perlu.

BERNAMA